

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) i člana 68. stav (1), člana 69. stav (2) tačka d) i člana 70. stav (4) Zakona o javnim nabavkama ("Službeni glasnik BiH" br: 39/14) i tačke 3.1. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2015. godini, Vlada Zeničko-dobojskog kantona, kao ugovorni organ, na 30. sjednici, održanoj 09.10.2015.godine, d o n o s i

ODLUKU

o odbacivanju ponude i poništenju dijela postupka javne nabavke za LOT- 2

Član 1.

(Izbor najpovoljnijeg ponuđača)

(1) Odbacuje se ponuda ponuđača - **Konzorcija – grupe banaka koju čine: Sberbank BH dd Sarajevo**, Fra Anđela Zvizdovića 1., 71000 Sarajevo – nosilac Konzorcija banaka, **Union banka dd Sarajevo**, Dubrovačka 6., 71000 Sarajevo – član Konzorcija banaka i **Moja banka dd Sarajevo**, Trg međunarodnog prijateljstva 25., 71000 Sarajevo – član Konzorcija banaka, za LOT 2 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2015. godini, koji je objavljen dana 26.06.2015. godine u 14,38 h na Portalu Agencije za javne nabavke, pod brojem: 771-1-2-1-3-1/15, iz razloga što ponuđač nije dostavio sve tražene i validne dokaze koji su morali sadržavati potvrdu da je u momentu predaje ponude svaki član Konzorcija - grupe banaka ispunjavao uslove koji se traže tenderskom dokumentacijom i članom 45. Zakona o javnim nabavkama.

(2) Stavlja se van snage Odluka o izboru najpovoljnijeg ponuđača, broj 02-14-17052/15 od 14.09.2015. godine, kojom je ponuda ponuđača iz stava (1) ovog člana, kao jedina ponuda pristigla za LOT 2, bila proglašena najpovoljnijom.

(3) Poništava se dio otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2015. godini, koji se odnosi na LOT- 2, iz razloga što za navedeni lot jedina primljena ponuda nije sadržavala sve validne dokaze, čime je ponuda postala neprihvatljivom.

Član 2.

(Dostava odluke i obavještenja)

Ugovorni organ će putem Službe za zajedničke poslove ovu odluku i pismeno obavještenje o rezultatima postupka nabavke dostaviti svim ponuđačima koji su učestvovali u postupku javne nabavke, najkasnije u roku od sedam dana od dana donošenja ove Odluke, u skladu sa članom 70. stav (4) i članom 71. stav (1) Zakona o javnim nabavkama, zajedno sa Zapisnikom Komisije o kontroli dokaza o kvalificiranosti dostavljenih od strane ponuđača u skladu sa članom 45. Zakona o javnim nabavkama.

Član 3.

(Stupanje na snagu)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

- (2) Odluka će se objaviti i na internetskoj stranici Vlade Zeničko-dobojskog kantona, i to istovremeno s upućivanjem Odluke ponuđačima koji su učestvovali u postupku javne nabavke.

Pouka o pravnom lijeku:

Protiv ove Odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove Odluke.

Broj: 02-_____ /15.
Datum, 09.10.2015. godine
Zenica

PREMIJER

Miralem Galijašević

DOSTAVLJENO:

1x Naslovu, putem Komisije,
1x Svim ponuđačima, koji su učestvovali u postupku javne nabavke,
putem Komisije,
1x Stručna služba vlade,
1x Služba za zajedničke poslove,
1x Ministarstvo finansija,
1x Komisija,
1x a/a.